

國朝獻徵錄
(三)

焦太史編輯國朝獻徵錄卷之三十五目錄

禮部三

侍郎

曾魯

董倫

儀智

吾紳

蔣驥

章敞

金問

薩琦

邢讓

費閻

程敏政

黃宗明

朱廷立

張一桂

郎中

陳敬

楊循吉

劉崧

黃觀

易英

鄒師顏

李嘉

錢習禮

章瑾

李紹

艾福

汪諧

沈祿

馬汝驥

瞿景淳

滕員

唐禎

獻徵錄

卷之三十五目錄

一

陳九川

李逢陽

員外郎

林鴻

孫迪

錢萱

主事

尹昌隆

王洪

葛清隱

吳凱

臧應奎

仵瑜

宋汝賢

劉元卿

獻徵錄

卷之二十五目錄

二

焦太史編輯國朝獻徵錄卷之三十五目錄

焦太史編輯國朝獻徵錄卷之三十五

禮部三

侍郎

中順大夫禮部侍郎曾公魯神道碑銘

宋 濂

治古之時非惟道德純一而政教修明至於文學之
彥亦精贍宏博足以為經世之用蓋自童卯之始十
四經之文書以歲月期於默記又推之於遷固范曄
諸書豈直覽之其默記亦如經基本既正而後徧觀
歷代之史察其得失稽其異同會其綱紀知識益且
獻徵錄 卷之三十五

吳山館
三百卅七

至矣而又參於秦漢以來之子書古今誤定之集錄
探幽索隱使無遁情於是道德性命之奧以至天文
地理禮樂兵刑封建郊祀職官選舉學校財用貢賦
戶口征役之屬無所不詣其極或廟堂之上有所建
議必旁引曲證以口其疑不翅指諸掌之易也自貞
輿法行季者知以摘經擬題為志其所最切者唯四
三體然則本強不能對嗚呼一物不知儒者所恥
其能有以濟世哉此濂銘亡友曾公
而復繼之永慨也公諱魯字得之曾

其氏也孔門弟子邨公五十七代孫其居新治

里者已久曾太父兼善宋贈太理評事祖天麒宋宣

毅郎軍器監主簿父順元韶州路儒學教授從劉氏

公年七歲能暗誦九經一字弗遺奉禮即簡君正理

欲以神童舉于朝其父力止之及齒稍長取三史日

記之尋及其餘數千年間國體治亂人材忠佞制度

沿革成能言之有叩之者如山川出雲層見疊敷杳

莫察其端倪公殊不以為足所藏子集動至數百家

各攬其精而撮其華聞有僻書隱牒不憚道路之遠

必購得之既得必篝燈讀之達旦不寐發為辭章麗

獻徵錄 卷之三十五

吳山館
四百六

蔚炳朗毅然有不可奪之氣廬陵劉提舉岳申與之

語連日夜弗休歎曰不意後生中能至於斯也其將

以文鳴乎杜內翰鄉之丈人行也公負笈從之游益

充拓其所未至寤疑辨惑惟日不足遂以博極羣書

稱于時公猶謂未要於至道述長書一通謁虞文靖

公集於臨州虞公大悅曰昔程子與張敬夫年十六

七脫然有志聖賢之道子能如是復何讓古人公年

蓋十九矣由是益潛心濂洛關閩之學分別義理密

於蠶絲牛毛而尤愛吳文正公激之書吳公亦居臨

川其著書滿家無大無小公一一訪獲之玩繹未嘗

釋手久之充然有得盤桓林泉以道自娛若將終焉至正壬辰天下大亂州縣所在釋騷公里詣豪集健兒持兵以保障乎一方仍推醴酒開陳逆順禍福言甚剴切衆皆聳耳而聽卒無敢犯非義者人號曰君子鄉及入國朝有詔纂修元史勒成一代之典遣使者起公于家公補苴罅漏者不一而足其功爲最多史成上坐端門召諸史臣有白金束帛之賜公居其首焉公將乞身還山會朝廷開局編類禮書輿論以老成之士無踰於公者共堅留之議禮之家有如聚訟自古難定於一公當羣言沸騰之獻徵錄

卷之三十五

三 曼山館

中揚言曰某禮宜據某書則是從某說則非有不服者爭相辨詰公歷舉傳記答之各心醉而去俄選入儀曹爲祠部主事階承事耶時洪武二年十二月也常忠武王薨高麗王遣使來祭公索其文觀之使者斷不與公不可使者不得已出之外則襲以金龍黃帕內則不書洪武之號公責之曰龍帕固疑誤用若納貢稱藩而不奉正朔君臣之義果安在耶使者頓首謝過皆命易去之乃已安南來貢主客曹已受其表將入見公取其副覽之其王乃陳叔明公曰前王陳日輝爾今驟更名必有以也亟白尚書詰之使者

不敢諱益日燈爲叔明所逼而死遂慕其位中心懷想故託修貢以規朝廷之意上聞之曰烏夷何狡猶如此却其貢不受五年二月上問丞相曰會稽在禮部今何職耶對曰不過主事耳即日超六階拜中順大夫禮部侍郎公以順字犯父諱辭就朝請下階吏部以國法有定不之許倭夷入寇戍將每捕獲之上一憫其無知命儒臣草詔歸其俘公之所誤有中國一視同仁之語上悅曰頃觀陶凱文已起人意今魯復如此文運庶其昌乎凱禮部尚書八月奉旨考京畿鄉試入院之後忽然吐血一升公猶力疾獻徵錄

卷之三十五

四 曼山館

閱卷不息自是遂奄奄不振九月膏露降鍾山羣臣咸見諸詠歌獨公誤賦以進十月上將郊祀出宿齋宮命取諸作使侍臣更番誦之至公獨曰此曾曾作耶援據既精鋪敘有法豈新進之可驟至哉十有一月疾逾篤上章乞骸骨甚至中書以聞上惻然許之十又二月辛卯歸舟至南昌卒公蓄德熙和人近之者温如春風不見忿戾之色然其人則山澤之癯身退然若不勝衣未嘗有所矯飾其處家也事親克孝父喪哀毀致疾踰年而後能起已而二兄諸姪相繼捐館公技淚經紀前年一年間葬卅餘喪且撫

存其孤悻惟恐或失其所平生輕財仗義喜周人之
急四方賓客日登其門公倒屣迎之了無倦容其出
仕也精白一心有知無不爲凡典禮涉於制度者必
經損益而後定雖古者史牘之繁簡署字文之上下
人所不能知公獨稽諸書以爲決公誠所爲濟世之
學者非邪公屬文不喜留藁其徒雖有所輯錄猶未
成書其自著書有六一居士集正訛南豐類藁辨誤
藏於家他咸未脫藁當公修元史時濂實爲總裁及
入南宮又有僚友之好故相知號爲最深其坐官齋
更所互辨每至夜分歎末學之空虛傷古道之寥落
獻徵錄 卷之三十五 五 曼山館

吐芒莫自翳藏兮 大明麗天東帛彗彗寇羅俊賢
兮 袞袞鉞誅寓於策書輿論所孚兮 儀曹之升議禮
稽經日維烝烝兮 黼黻 帝猷上窺殷周功在刪修
兮 所積之沈所發之深開陽闔陰兮 正笏垂紳其色
閭閻邦之老臣兮 媚學蹉蹉其中枵然何翅霄淵兮
天胡降喪一鑑之亡四國之傷兮 其神上征化爲列
星寒光晶熒兮 下射屏山馬鬣桓桓各在不刊兮

獻徵錄

卷之三十五

六

曼山館

侍郎劉公崧傳

尹直

劉崧字子高江西泰和人舊名楚元季鄉舉國初
 改今名任至禮部侍郎權吏部尚書終國子司業年
 六十一公賦性仁孝純厚穎悟絕人年五歲誦書日
 記數千言七歲能賦詩嘗侍世父夜寢聞雞聲因命
 為題公應口成一絕未旬喚醒人間蝴蝶夢起看天
 上火龍飛世父驚歎是子他日必大用家貧無火執
 筆作文手為皴裂而力學不廢年十六授徒他邑十
 九游南昌時善賦者稱十才子見公製作推讓為先
 列行省嘗以薦授龍溪山長公辭之至正丙申應鄉
 獻徵錄

卷之三十五

七 曼山解

試報捷者至公適自田中摘粟歸悵然泣下曰始二
 親篤於訓子奈何今不及見時天下大亂州城陷家
 蕩覆避地累歲無以為生會 皇明開基四方以次
 平定公以經明行修薦召見奉天殿授兵部職方郎
 中小心謹畏歷署駕部總部事奉命鎮江徵糧鎮江
 多公侯田土往往掣肘公歸奏之得旨未幾命往廣
 東買馬得五百八十四匹又明年往山東點視驛遞
 萊州扣視遭風海船時天旱冰凍衝冒風雪跋涉水
 陸凡四閱月以訖事在兵部幾三載升北平按察司
 副使北平當元故都新造之初公持憲編靜以臨之

考歲屬官以廉慎為先獄獄必求其生而不得乃付
 之法受罰者亦自以為當罪而不怨作與學校刻石

立禮部學規榜示府縣勿以差役溷諸生而廢學考
 問風俗立宋忠臣文天祥祠於大興縣學之側以宛

平驛事繁馬少遂損館路分添設走遞及設法闢防
 賈鹽退引禁治影射私鹽為政裁畫有方率多類此
 十三年春徵拜禮部侍郎既拜命日稽古典雅直惟

清 上嘉之以其文學雅正較撰滕國公頤時海國
 公吳禎神道碑及撰申國公鄧鎮襲封誥詞宋學士
 視其文嘆曰此可馬遷之文求之今世蓋未

八 曼山解

而於詩則尤所推讓夏四月命公攝吏部
 書時侍郎陸某以察為明公一處以寬銓次不苟
 藻鑑不失五月以災異迭見命公致仕十四年三月

徵拜國子司業賜鞍馬冷朝夕繼見見則必燕語移
 時夏四月得疾遽卒 上悲悼因言劉崧前日徵來

朕怪其候老朕命敕國子將以作成我公侯子弟以
 待用豈意其至此哉即命有司治殯斂諸費皆官給

遣御史唐壽諫祭其文首日卿有學有行云云公所
 居室學公覆以茅嘗欲更之未能則曰令後世師吾

增益在北平時身所覆被亦館授時物也嘗爲鼠所傷始命更置其故鼠傷者仍命補葺以衣其子歷官十一年未嘗以家累自隨嘗攜一童子到官亦遣還當赴北平時始盡支職方俸廩易得白金九十兩封託鄉人收貯及歸往取則其人已用之止餘封紙而已公亦不復問公手筆子史醫卜地理等書六十帙北平八府志書三十帙北平事蹟一帙詩文三十餘帙而職方集行世

獻徵錄

卷之三十五

九

曼山館

禮部右侍郎兼翰林院學士董倫傳

董倫字安常故山東恩縣人世居燕之宛平自處山林間布褐藜藿已懷憂世之志學者多從之遊以所居貝州因稱貝州先生元末徵辟不出世高其行國初擢用單縣儒士張寧寧以倫薦徵爲春坊贊善大夫賜冠帶事 懿文皇太子陳說多長厚語 太祖高皇帝聞而善之由右春坊右贊善陞左春坊大學士賜文綺六疋鈔五十錠會東宮晏駕二十五年出爲河南左叅議盡心民事名其退食思政之堂曰後樂方孝孺爲之記嘗草封事數千言無一不當 上心者又上書薦肇州吏目諸葛伯衡 太祖遽擢爲陝西右叅議三十年以註誤免官典教滇南東宮降其老賜以白金若干鎰倫行至成都蜀獻王深寵之賦詩八章以道行至滇凡作養成就用夏變夷漸摩膏煦皆出於仁義道德故雖蠻童夷豎皆知向方建文帝卽位眷念東宮舊臣屢詢及之左右亦多言倫可用召至京師慰勞備至拜嘉議大夫禮部右侍郎兼翰林院學士與方孝孺同入內閣侍經筵御書怡老堂及髹几玉鳩杖各一賜之初監察御史解縉以權臣讐嫉譖之謫河州衛吏縉與倫書所授歲餘

獻徵錄

卷之三十五

十

曼山館

倫爲之言乃召續還以爲翰林待詔其汲引人材類
如此倫爲人質直敦厚富文學爲時所重建文間屢
懇言當務親睦不聽 文皇節位時倫年八十餘有
旨令致仕出京悒悒成疾數日卒

蘇徵錄 卷之三十五 十一 曼山館

禮部侍中黃觀

太學志

黃觀字瀾伯池州貴池人父贊于邑城許氏生觀遂
從母家姓明尚書補邑諸生受業于元翰林待制黃
暉暉死王事觀益砥礪以忠義自許洪武甲子貢入
太學是歲領鄉薦惟外艱起復仍入監造詣日益深
同舍推服嘗繪父母墓爲圖攜以自隨閱之淚輒下
辛未會試廷試皆第一拜翰林院修撰日侍 御前
敷奏明爽 上甚愛重每賜顧問命編寫省會等錄
上以其有政事才凡法司諸榜文令觀撰成卽書之
又令清理軍職貼黃兼管註銷諸司案牘侍 東宮
獻徵錄 卷之三十五 十二 曼山館
講論累遷尚寶司卿禮部右侍郎乃奏復其姓會更
官制進本部侍中壬午五月往上游諸郡徵兵至安
慶聞內難已平慟哭謂人曰吾妻素有志節必不肯
受辱明日家僮自京逃來言將執家屬夫人雍氏出
通濟門先擠二女于河卽自沉焉觀遂招魂葬之江
上舟次李陽河乃朝服東向再拜于羅刹磯湍急處
給舟人奮棹伴爲洩解投水死時年三十九都察院
右都御史陳瑛言觀及周是修等不順 天命請加
追慘 文皇帝曰彼食其祿自盡其心爾竟不問水
樂末詔觀親黨有編伍者皆釋之

禮部左侍郎儀智傳

儀智高密人溫重端慤由教官歷高郵知州寶慶知府所至寬厚得民陞通政司右通政兼右春坊中允數月陞湖廣布政司布政使簡易疑重得藩臣體間坐累被謫湖廣都指揮使龔忠入見上問湖湘間老儒宜有存者對曰臣愚不能盡識以臣所識儀智固老儒也然坐小累斥矣即日召之既以為禮部左侍郎遇事是是非非不肯附會嘗正旦日食上命禮部尚書呂震議免賀禮震心不能決智力為震言不可毋貽後悔上聞智言曰是朕心也竟免賀

獻徵錄

卷之三十五

十三

曼山館

上命吏部翰林院簡求老儒授皇太孫經同以智薦上喜曰得之智侍皇太孫數年啓迪匡益克盡其誠年八十乞致仕賜杖獎諭遣歸以永樂十九年四月卒

知高郵州高郵人皆愛公曰知州長者陞知寶慶府寶慶人健悍又畏敬曰太守不可犯

藏書

禮部左侍郎易英傳

禮部左侍郎易英湖廣澄州人洪武中白州學訓導權工部虞衡司主事尋陞郎中永樂初陞河南布政左叅議調浙江十六年陞禮部左侍郎明年奉命祀海神于杭州卒于道英寬簡不苛在浙頗有聲稱云

獻徵錄

卷之三十五

十四

曼山館

禮部右侍郎五紳傳

紳衢州人擢永樂甲申進士選為庶吉士入翰林請書因同列言理刑事 太宗聞之遂俱擢刑部主事治獄寬平有名稱尋陞郎中絕拜禮部右侍郎 太宗謂尚書呂震曰吾紳出自翰林可佐卿典禮矣既而為震所擠出為廣東右叅政尋復職改南京刑部奉命考察兩廣福建方面官有叅政素貪黷結權要且以紳為故僚友紳竟黜之特稱其公還朝復禮部至是卒紳性率直於人短長無所較視榮辱若不以介意初拜侍郎時衣冠畢賀而一室蕭然了無供具

廉徵錄

卷之三十五

十五

長山館

有誚之曰拜官不祀先會客乎紳笑唯而已

行在禮部右侍郎鄒師顏傳

鄒師顏湖廣宜都縣人洪武間以國子生擢兵部主事陞工部員外郎又陞江西布政司左叅政永樂初坐事降監察御史後陞大理寺丞 仁宗皇帝嗣位陞禮部右侍郎未幾告歸省墓既還至通州病疽卒計聞遣官賜祭令有司治葬行在禮部尚書呂震言師顏家貧不能歸喪 上曰朕聞其人清慎其卒可惜遂命給官舟載歸因謂左右臣曰為官而貧可嘉今豈獨鄒師顏但朕未悉知耳自今京官終於位者皆倣此例師顏小心謹畏廉介自持蒞事罔密人不致干以私而議者頗譏其近刻云

廉徵錄

卷之三十五

十六

長山館

嘉議大夫禮部侍郎蔣君驥墓表 楊榮

士之生世有所抱負莫不欲見於有為然恒有弗克
遂其所欲者及其薦躋融顯方將效用於當時則壽
年弗逮齋志而歿可勝悼哉予友蔣君良夫實其人
焉良夫諱驥世為杭之錢塘人自少穎悟知讀書年
十二選為郡庠生從師受春秋經貫通三傳得筆削
之旨翳冠領江浙鄉薦登洪武庚辰進士第釋褐擢
官行人嘗奉命出使郡國呈華之光照映道路蓋君
姿貌清俊而神氣秀朗所至人皆仰其風采焉永樂
初以薦與修 太祖高皇帝實錄既成賜白金絲幣
帑徵錄

襲衣陸翰林院檢討自是日居稱閣得盡閱古今天
下之書而學識益進聲譽益隆未幾復與修 永樂
大典承命為副總裁書成忽為人所連逮繫獄十有
餘年君處之怡然未嘗有纖芥不足之色人皆以為
難能謂非行素之士不至此也洪熙改元蒙恩得釋
陞左春坊左司直郎事 今上於儲官小心謹慎克
盡厥職既受勅命階承務郎且得推恩封父均美如
其官毋妻皆安人 今上即位官臣咸被恩遷秩遂
陞翰林院侍講與修 太宗 仁宗二聖實錄既成
有白金文綺襲衣之賜進翰林侍講學士不兩月

官奏六部闕二副之職 上特命廷臣各舉所知於
是得八人焉而良夫其一也遂拜禮部右侍郎命下
之日士亦稱慶皆以為儒者之榮遇莫此為盛矣君
莅事曾未兼旬而遽以疾卒嗚呼惜哉尚書胡公以
訃聞 皇上為之嗟悼親為文遣官諭祭命給驛載
其柩以歸詔有司為治墳塋恩德之厚度以加矣

通議大夫禮部左侍郎宛平李公墓誌銘

楊士奇

李之先居平陽之臨汾大父諱仲智父諱師魯元季
隨兄希賢宦遊燕都遂占籍宛平縣而公生焉公諱
憲字允堅天資凝重不妄言笑自幼卓卓有立志事
親孝稍長縣大夫選邑學弟子員前大學士董公倫
時為學教諭公從受業且暮自兼廡所授書準誦讀
數百遍四書注釋雖老不忘已而念家貧親老丐罷
歸侍養為師者初惜其去遂獻詩達意其辭懇切師
憫而後之後還奉祠所禮生事 太宗文皇帝


郎敬恭祀事恒致其誠無幾丁父憂哀毀動人終喪
不飲酒食肉覽父手澤未嘗不流涕而養母至孝
盡初世父希賢死於兵無子舍卒藁葬公念其無
竟卜吉壤備禮而葬焉 文皇帝靖內難時南兵
遣城外氏有負母入城無所歸者公適
舍以處之且食之粟民母子得全甚念其類此內

難平錄守城功召至南京有司奏授鴻臚寺序班
月 上親權為通政司叅議且面諭之曰以爾誠

故權與要地必勤必慎毋忝朕命公益盡心焉朕
日泰事畢有陳臣有老母在鄉豈無兄弟侍養乎

迎母祝嘏養從之既至時初建北京奉命董運木之
復於河南彈其智慮夙夜不懈後喪母哀毀如喪父
諒賜棺及驛舟歸其喪服闋仍前職遂扈從北狩自
是巡狩皆預扈從後坐累左遷鴻臚寺丞 仁廟御
極陞左通政使又坐累左遷未行 上嗣大統復通
使改北京刑部侍郎念其老不堪繁務又改禮部侍
郎公雖精力日衰猶勉強事事未嘗少間再歲以疾
而歸勅諭命致仕又數月不起享年七十

字長明



嘉議大禮部左侍郎章君敞墓銘

楊榮

君諱敞字尚文別號質菴世居越之會稽高祖斌宋景定中鄉舉第一人曾祖諱某不仕祖黼父昇俱以君貴贈嘉議大夫禮部右侍郎母某氏累贈淑人君自幼穎敏嗜學為父母鍾愛暨長為郡庠生師友咸器重之永樂癸未領鄉書首薦明年登進士第選入翰林為庶吉士積學中祕與修永樂大典壬辰冬授刑部主事癸巳命同諸儒纂輯五經四書及性理大全書成重膺賜賚時近京西山有盜肆劫掠逮捕數

麻徵錄 卷之五十五 二十一 史川

百人鞠之多不服君察其寃惟拘其辭色異者一人餘悉遣出期朔日復至同官爭不可君卒遣之明日至如約後勘驗其人皆非盜而一人辭色異者即盜也眾始服其明復有商夜宿都城外千戶何氏肆人掠其財商疑何欲訟之何不克自白乃訴於官而自經死 大皇帝聞其故命司捕者三日不得盜抵死司捕者乃妄繫何鄰近二十餘家別取楮幣如商之數而以盜加之君察其誣辯理之皆得釋丙申轉員外郎階奉議大夫尋遷郎中丁外艱起復改吏部考功洪熙初賜誥命階奉議大夫丁內艱服除調驗

封宜德庚戌擢右禮部右侍郎進階嘉議大夫奉

詔許安南命黎利權署國事暨宣詔遣人白相見禮君語之曰吾奉詔命至爾益小國一酋長能盡禮於使者即所以尊敬 朝廷何用白為利聞即趨拜坐于下令所親給侍左右數為巧媚辭欲眩以聲色君正色待之終不為動及還餽贈珍異一無所受利曰假此以將誠爾何拒之甚君曰吾奉命令爾撫一隅以廣 皇上一視同仁之恩豈為賂至耶利乃以所餽物付貢使致之且戒關吏俟使者出即閉君忖知之及關親閱所貢方物餘悉封付關吏及

麻徵錄 卷之五十五 二十二 史川

死君復奉命令利子麟權署國事關吏見曰此之前却金者比還却所贖如初麟不敢更進蓋知君不以此利動也 聖天子嗣位之初平陽王復封晉王即以故護衛官軍田廬為請君受命往理之至期改其軍數量以田廬與之餘給於民王不悅君啓曰國中先三衛今止一千戶所以三衛田廬而歸一斯之人得無過乎且 朝廷以藩屏望天下國內軍民均愛之庶副 皇上至公之意王惟曰使方面諸官早有此言吾亦豈敢上煩 朝廷哉遂奏 上喜之未幾遷左侍郎君之執政思慮精審防範嚴密以國

家統理天下既久典禮品式有因革輕重之殊事或
隨時損益有先後矛盾之異而吏胥亦稍緣此為奸
於是白尚書胡公取國初至今凡所行條格籍記之
付四司使得參酌而行以是事獲適宜奸弊頓革嘗
有點吏嗜酒怠事且增損公牘即冥於法羣吏自
悚息不敢為非太醫院每舉醫者人往往假以復怨
及徵至多弗諳醫君察知之遂偕尚書奏革其弊比
歲僧道數給度牒輒以千計君與尚書請依洪武例
三歲一給凡僧道出家及舉為僧道官者止於所居
封內不容越籍冒濫四夷貢使日給糜飯廐人每得
剋之君聞之曰小人為口腹計爾使朝廷薄
遠人之禮可不禁乎即令所司具日給之數付
者或給不如數乃從而督治之自是遠人以爲朝
廷待之加厚也君生洪武丙辰歿正統丁巳享年六
十有二訃聞遣官諭祭命有司治喪葬君為人性質
端厚接人待物意氣豁然調會濟難尤克盡心在
部時有同官尤許二人坐累謫戍邊君資之甚厚後
又汲汲欲拔之既而許果膺薦為御史歿又為之經
理喪事恤其孤嫠尤既老遣其子代戍而窘甚乃贈
以衣裝金幣且遺書所親在邊者令周之其輕財重

義類如此君問與休林為文簡暢所著有曾菴稿藏
於家



嘉議大夫禮部尚書
引餘

公諱幹字習禮以字行吳越武肅王鏐之後初吳越
歸宋子孫皆顯仕其為吉州防禦使曰惟濟子沂遂
家廬陵三傳至貴和徙吉水諸源為望族曾祖以吉
祖立志父好德母陳氏公生而喜學父母兄弟皆鍾
愛凡所師友者見其文敏而思深且多出腹藁莫不
奇其才永樂六年江西鄉試第一明年會試中第十
時車駕幸北京廷試不果由是從容京師間縱觀聖
朝政化之美聲明文物之盛四方萬國謳歌朝覲之
獻徵錄
會同而才益進九年廷試取進士入翰林為庶吉士
尋陞檢討參史職甲辰會試命公為同考八月 仁
宗皇帝即位一新庶政陞翰林侍讀與知制誥洪熙
元年賜勅褒贈父母及封其妻勅同修 太宗皇帝
實錄 仁宗皇帝升遐 宣宗皇帝正大位勅修
仁宗實錄公亦與焉時有詔許焚黃公承命以往丙
午從召還京偕太子少保金幼孜等入見命完修實
錄二年春闈則命公為同考官三年戊申元夕賜文
武近臣觀燈萬歲山賜宴公及文臣賦詩以進賜之
鈔四年八月應天府鄉試奏請考官命公為之十二

月朔是日霜寒甚命光祿賜在廷文臣羊酒以禦寒
曰皇祖考在位每旦常有賜今朕多事忘之汝勿忘
五年兩朝實錄成賜金織襲衣銀幣考禮部會試陞
翰林侍讀學士蒙給誥命贈父以已官母與妻皆贈
宜人痛寵命之不生及也哭之過哀七年駕過史館
有作併賦招隱之歌以示近臣蓋是時天氣清明聖
心悅豫懷賢覽古悠然天趣之高發見於吟咏于此
蓋可見也八月考北京鄉試十年乙卯春 宣宗皇
帝晏駕 今皇帝即位二月上 宣宗尊號賜白金
秋九月詔修 宣宗實錄十二月賜文綺丙辰正月
獻徵錄
改元正統大臣建議開經筵詔可其奏公與為講官
三月 上臨軒策士公讀卷勞以羊酒賜宴於禮部
戊午四月進 宣宗實錄 上御奉天門慰勞甚至
賜白金文綺織金衣襲陞翰林學士賜宴於禮部八
月應天府鄉試命公為考試官四年充廷試讀卷官
六年考順天府鄉試七年壬戌為行婚禮賜紗衣紗
帽金相香帶等物九年甲子三月大新國學 上祇
謁先聖躬行釋奠禮幸彞倫堂命祭酒司業以書易
進講從臣坐聽公與其列七月八日上章乞致仕弗
允且降勅諭天下憲臣及婦令有難其任察舉以聞

公舉所知而人以爲當十年乙丑禮部春試

命爲考官三月進五倫書蒙賞賚冬十月欽陞禮部

右侍郎公以老病懇辭弗獲諭使就職 朝廷稽古

右文事多由禮部公夙夜祗懼惟恐有弗稱 上又

命兼署吏部公益謹良不自寧求去益切 詔許之

公卿大夫餞送出都門皆有詩公獨取歸去來辭長

歌以自快人莫不以爲榮而喜聖德之厚也公孝友

忠信篤於倫誼厚生送灰君子稱之至姻戚故舊亦

無悖於理者在位三十餘年以文章議論爲士類所

敬樂于教人學者亦樂從之游典文衡者八讀卷者

獻徵錄 卷之三十五 二十七

二佳時暇日擇勝往遊長篇短章發於歌咏以揚六

平之盛美及得請而歸頤老于堂子孫侍教者十五

年凡所著述論思聯爲太卷有應制集詞垣續稿歸

田稿藏于家後世傳焉天順四年九月嬰疾卒春秋

八十有九計聞 上爲之嗟悼命禮部賜祭工部爲

治祠墳諡曰文肅

禮部右侍郎金公問傳

金問字公素吳縣人少受易俞貞木家貧無書從人

借讀無不通解永樂初被薦爲司經正字時宮僚多

得罪問亦坐繫獄十年非義相餽皆不受時黃淮揚

溥同坐繫三人相得甚省躬念怨之暇各持一經講

論曰此處憂患之道也洪熙初 命待詔思善門制

授翰林修撰備顧問論時政得失悉見獎納宣德末

擢太常少卿兼翰林侍讀學士正統間調南京歲餘

遷禮部右侍郎卒於官問文行敦茂義聞流著平生

閱復否泰相尋而不變所操製述雅健精采善書得

獻徵錄 卷之三十五 二十八

魏晉筆法屋曆之學尤精然未嘗以語人有集若干

卷兄聲亦好古嗜學問事之如嚴師嘗病熱劇醫云

必得螺可治方盛察問解衣循河覓之得百枚以進

病良已子汝遜大位丞

禮部侍郎章瑾墓誌銘 陳 循

用欽諱瑾用欽其字也姓章氏世家浙之會稽予所
同纂修五經四書性理大全諸書由刑部主事累官
禮部右侍郎曰敏字尚文者用欽之父用侍郎 恩
累贈禮部侍郎諱某配某皆贈叔人者用欽之曾大
父太父也葉氏繼趙氏用欽之母也用欽自幼失恃
父語趙曰是兒不凡汝善鞠之趙亦鞠愛之如已出
甫十餘歲即能嗜學宣德丙午其父與今吏部尚書
趙公同為吏部郎中趙公見用欽能嗜學喜而以女
師之是歲用欽舉順天府鄉貢丁未庚戌連試禮部
獻徵錄 卷之五 十九
不偶癸丑又試名在副榜時 朝廷慮俊秀拘於科
類必有遺才在副榜者 命翰林復選得二十四人
用欽預焉授冠帶入太學給以所當得官之祿俾卒
業俟後來正統初科余考禮部會試所得貢士用欽
第七人比其 廷對蒙賜進士出身觀政兵部逾年
以父喪去服闋擢禮科給事中數年為同官所推薦
特遷都給事中 朝廷命定國公徐某持節使蜀行
冊封禮簡用欽為副使正統己巳扈從北征得疾留
寓中途比還恭遇 今上嗣統用大臣薦拜禮部右
侍郎既而以盜竊發廣州復簡用欽巡撫廣東兼治

羣盜用欽間以謀於予曰聞參議楊信民素為廣川
之民信服若得此人與羣皆往盜必聽撫今信民以
註誤謫守邊關奈何予善其計為力贊言於 上遂
起信民為右僉都御史以行後信民至廣東民有被
脇從為盜者聞信民至相率來歸順者凡數千人孰
計用欽 陞辭竟以舊事為御史所彈劾事未及白
而用欽得疾不起矣時景泰元年距其生永樂丁亥
享年四十有四用欽為人志剛而不肯苟屈下奉親
極其孝敬雖繼母亦事之如已所自親有疾必躬侍
湯藥早夜不懈不至疾止復故不止親喪祭葬惟謹
於禮而哀痛自不能節故其兄與撫愛諸弟尤甚得
其歡心為給事中多所糾正雖於平日所交游至密
者不為曲徇所敬憚至切者不為苟容人固知其所
好多職分所當為然不能忘不足於心每以長科異
大臣議四方所陳之事必稅眾論可否有未當於聖
者力爭正之而四方奏本早變異有可以示警者則
奏之惟恐後嘗厭四方縉流來請驟於禮部象至數
萬乃請定其額數給之此風遂抑其同官有天台徐
簡者卒於官妻子與妻貧不能舉用賻助之俾得歸
其解又有衡陽王伯宣者以丁艱倉卒去所留車馬